

**BOSNA I HERCEGOVINA**

*Konkurencijsko vijeće*



**БОСНА И ХЕРЦЕГОВИНА**

*Конкуренијски савјет*

**Rješenja**

**po Prijavi koncentracije između privrednih subjekata  
Atlantic Naložbe d.o.o. Ljubljana i DROGA KOLINSKA d.d. Ljubljana**

**Sarajevo  
oktobar, 2010. godine**



Broj: 01-01-26-019- 20-II/10  
Sarajevo, 27. oktobar 2010. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta Atlantic Naložbe d.o.o. Ljubljana, Kopraska ulica 98, 1000 Ljubljana, Republika Slovenija, podnesenoj po advokatu Enisu Jusufoviću, Hamdije Kreševljakovića 40, 71000 Sarajevo, zaprimljenoj dana 13.07.2010. godine pod brojem: 01-01-26-019-II/10, Konkurencijsko vijeće, na 3. (trećoj) sjednici održanoj dana 27. oktobra 2010. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu prodaje bezalkoholnih napitaka u Bosni i Hercegovini koja će nastati sticanjem kontrole privrednog subjekta Atlantic Naložbe d.o.o. Ljubljana, Kopraska ulica 98, 1000 Ljubljana, Republika Slovenija, nad privrednim subjektom DROGA KOLINSKA Živilska industrija d.d., Kolinska 1, 1000 Ljubljana, Republika Slovenija, kupovinom (..)\*% dionica.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je zaprimilo, dana 13.07.2010. godine pod brojem: 01-01-26-019-II/10, Prijavu koncentracije (u daljem tekstu: Prijava) privrednog subjekta Atlantic Naložbe d.o.o. Ljubljana, Kopraska ulica 98, 1000 Ljubljana, Republika Slovenija (u daljem tekstu: Podnosilac prijave ili Atlantic Naložbe), podnesenu po advokatu Enisu Jusufoviću, Hamdije Kreševljakovića 40, 71000 Sarajevo (na osnovu punomoći br. OV-3181/10 izdate dana 09.07.2010. godine) kojom privredni subjekt Atlantic Naložbe namjerava steći kontrolu nad privrednim subjektom DROGA KOLINSKA Živilska industrija d.d., Kolinska, 1000 Ljubljana, Republika Slovenija (u daljem tekstu: DROGA KOLINSKA), kupovinom (..)\*% dionica.

Podnosilac prijave je Prijavu dopunio podneskom broj: 01-01-26-019-1-II/10 dana 15.07.2010. godine i podneskom broj: 01-01-26-019-2-II/10 dana 04.08.2010. godine.

---

<sup>1</sup> (..)\*Podaci predstavljaju poslovnu tajnu

Konkurencijsko vijeće uvidom u podnesenu Prijavu je utvrdilo da je ista nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 34/10 ), te je tražilo dopunu akt broj: 01-01-26-019-3-II/10 dana 13.08.2010. godine, akt broj: 01-01-26-019-6-II/10 dana 31.08.2010. godine i akt broj: 01-01-26-019-12-II/10 dana 28.09.2010. godine.

Podnosilac prijave je predmetnu Prijavu dopunio podneskom broj: 01-01-26-019-4-II/10 dana 24.08.2010. godine, podneskom broj: 01-01-26-019-5-II/10 dana 27.08.2010. godine, podneskom broj: 01-01-26-019-7-II/10 dana 31.08.2010.godine, podneskom broj: 01-01-26-019-8-II/10 dana 01.09.2010. godine, podneskom broj: 01-01-26-019-9-II/10 dana 02.09.2010. godine, podneskom broj: 01-01-26-019-10-II/10 dana 03.09.2010. godine, podneskom broj: 01-01-26-019-11-II/10 dana 07.09.2010. godine, podneskom broj: 01-01-26-019-13-II/10 dana 28.09.2010. godine i podneskom broj: 01-01-26-019-14-II/10 dana 29.09.2010. godine.

Konkurencijsko vijeće je, u skladu sa članom 16. stav (4) Zakona, izdalo Obavijest o dostavljenoj Prijavi (akt broj: 01-01-26-019-16-II/10 dana 30.09.2010. godine) u dnevnim novinama BiH putem koje je pozvalo zainteresirane privredne subjekte na dostavljanje pisanih primjedbi i mišljenja u vezi sa provedbom predmetne koncentracije. Na navedenu Obavijest nije bilo zaprimljenih komentara zainteresiranih strana.

Konkurencijsko vijeće je nakon kompletiranja Prijave izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 06.10.2010. godine broj: 01-01-26-019-18-II/10.

Podnosilac prijave je, u smislu člana 30. stav (2) Zakona, naveo da je zahtjev za ocjenu predmetne koncentracije upućene i tijelima nadležnim za konkurenciju Republike Hrvatske, Republike Sloveniji, Republike Srbiji, Republike Makedoniji, Republike Crne Gore i Rusiji. Obavijest o dopuštenosti koncentracije broj: 580-02-2010-75-9, odnosno Rješenja kojim se koncentracija odobrava broj: 01-155/5 i broj: 6/0-02-326/2010 donijela su tijela nadležna za konkurenciju Republike Hrvatske, Republike Crne Gore i Republike Srbije.

Konkurencijsko vijeće je nakon analize prikupljenih podataka iz Prijave u postupku ocjene koncentracije utvrdilo sljedeće činjenice:

Prijava koncentracije je podnesena u propisanom roku, u smislu člana 16. stav (1) Zakona.

## **1. Učesnici predmetne koncentracije**

Učesnici koncentracije su privredni subjekti Atlantic Naložbe d.o.o. Ljubljana, Kopraska ulica 98, 1000 Ljubljana, Republika Slovenija i privredni subjekt DROGA KOLINSKA Živilska industrija d.d., Kolinska 1, 1000 Ljubljana, Republika Slovenija.

### **1.1. Privredni subjekt Atlantic Naložbe**

Privredni subjekt Atlantic Naložbe d.o.o. Ljubljana, Kopraska ulica 98, 1000 Ljubljana, Republika Slovenija je društvo sa posebnom namjenom upisan u sudski registar u Ljubljani dana 14.06.2010. godine pod matičnim brojem 3748529000.

Osnivač i vlasnik privrednog subjekta Atlantic Naložbe je privredni subjekt Atlantic Grupa ulaganja d.o.o. Zagreb, Miramarska 23., 10000 Zagreb, Republika Hrvatska (u daljem tekstu:

Atlantic Grupa ulaganja), a čiji je osnivač i vlasnik privredni subjekt Atlantic Grupa d.d. Zagreb, Miramarska 23., 10000 Zagreb, Republika Hrvatska (u daljem tekstu: Atlantic Grupa).

Privredni subjekt Atlantic Grupa ulaganja registrovan je dana 19.01.2010. godine na Trgovačkom sudu u Zagrebu pod brojem 0001-Tt-09/14632-2.

Privredni subjekt Atlantic Grupa registrovan je dana 17.11.1998. godine na Trgovačkom sudu u Zagrebu pod brojem: 0001-Tt-95/13821-3. Većinski vlasnik i najveći dioničar privrednog subjekta Atlantic Grupa je fizičko lice Emil Tedeschi ((..)\*)sa (..)\*% dionica.

Privredni subjekt Atlantik Grupa je multinacionalna kompanija koja u svom poslovanju objedinjuje razvoj, prodaju i distribuciju roba široke potrošnje i djeluje direktno u 10, a indirektno u 30 zemalja svijeta. Privredni subjekt Atlantic Grupa je vodeći regionalni proizvođač vitaminskih instant napitaka sportskehrane, te također djeluje u sektoru farmaceutike preko povezanog privrednog subjekta Atlantic Farmacia d.o.o. Zagreb, Miramarska 23.

Privredni subjekt Atlantik Grupa u organizacionoj strukturi djelatnosti ima četiri poslovne divizije/jedinice i to: zdrava prehrana, vitaminski napici i čajevi, kozmetika i osobna njega), sportska i aktivna prehrana, distribucija (vlastiti i drugi brandovi i to Wrigley, Durex, Duracell, Ferrero, Dyvis, Lorenz, Manner, Vivera, Johnson & Johnson, Scholl, Schwartau, Emco, Karolina, Scholl i One2play) i pharma [VMS (vitamini, minerali i dodaci prehrani) i OTC (bezreceptni lijekovi)].

## **1.2.Privredni subjekt Atlantic Naložbe u Bosni i Hercegovini**

Privredni subjekt Atlantic Naložbe, odnosno privredni subjekt Atlantik Grupa na tržištu Bosne i Hercegovine je prisutna putem ovlaštenog distributera privrednog subjekta ATACO d.o.o. Mostar (u daljem tekstu ATACO).

U vlasničkoj strukturi privrednog subjekta ATACO su fizičko lice Emil Tedeschi sa (..)\*% ukupnog temeljnog kapitala, koji je i član Nadzornog odbora, dok preostali (..)\*% vlasničkog udio imaju tri fizička lica.

## **2. Privredni subjekt DROGA KOLINSKA**

Privredni subjekt DROGA KOLINSKA, Živilska industrija d.d., Kolinska 1., 1000 Ljubljana, Republika Slovenija upisan je u sudski registar u Ljubljani dana 03.05.2005. godine pod matičnim brojem: 2114011000.

Većinski vlasnik privrednog subjekta DROGA KOLINSKA je privredni subjekt Istrabenz, holdinška družba d.d., Cesta Zore Perello-Godina 2., 6000 Koper, Republika Slovenija sa (..)\*% dionica, dok privredni subjekti NCA Investment Group, Surčinska 6a, Novi Beograd, Republika Srbija ima (..)\*%, privredni subjekt Probanka, Trg Leona Štuklja 12, 2000 Maribor, Republika Slovenija ima (..)\*%, a privredni subjekt Faktor Banka, Tivolska cesta 48, 1000 Ljubljana, Republika Slovenija ima (..)\*% dionica.

Osnovne registrovane djelatnosti privrednog subjekta DROGA KOLINSKA su prerada čaja i kafe, proizvodnja mineralne vode i bezalkoholnih pića, voćni sokova i sokovi od povrća, proizvodi od mesa, homogenizovani proizvodi, dijetalna hrana, čokolade i slatki proizvodi, prerada i konzerviranje voća i povrća, prerada i pakovanje žitarica i začina, prerada morske soli, ljekovitog bilja i čajeva.

## **2.1. Povezana društva privrednog subjekta DROGA KOLINSKA u Bosni i Hercegovini**

Privredni subjekt DROGA KOLINSKA u Bosne i Hercegovine ima povezana privredne subjekte u direktnom vlasništvu i to: privredni subjekte DROGA d.o.o. Sarajevo i privredni subjekt ARGETA d.o.o Sarajevo, te povezana privredne subjekte u indirektnom vlasništvu i to: privredni subjekt DK FAKTOR d.o.o. Sarajevo, privredni subjekt DK TRADE d.o.o. Sarajevo, privredni subjekt KOFIKOM PRODUKT d.o.o. Glavičice, privredni subjekt KOFIKOM d.o.o. Sarajevo i privredni subjekt KOLEKS d.o.o. Sarajevo.

### **2.1.1. Privredni subjekt DROGA d.o.o. Sarajevo**

Privredni subjekt DROGA d.o.o Sarajevo, Donji Hadžići 138., 71000 Sarajevo, Bosna i Hercegovina, registrovan je dana 21.01.1999. godine na Općinskom sudu u Sarajevu pod brojem 65-01-0580-09 (stari broj: 1-21501), i u 100% vlasništvu je privrednog subjekta DROGA KOLINSKA.

Pretežna registrovana djelatnost privrednog subjekta DROGA d.o.o Sarajevo je nespecijalizirana trgovina na veliko hranom, pićima i duhanom.

### **2.1.2. Privredni subjekt ARGETA d.o.o. Sarajevo**

Privredni subjekt ARGETA d.o.o Sarajevo, Donji Hadžići 138., 71000 Sarajevo, Bosna i Hercegovina, registrovan je dana 11.07.2005. godine na Kantonalnom sudu u Sarajevu pod brojem 1-25270, i u 100% vlasništvu je privrednog subjekta DROGA KOLINSKA.

Pretežna registrovana djelatnost privrednog subjekta ARGETA d.o.o Sarajevo je proizvodnja i konzerviranje mesa peradi i zečijeg mesa.

### **2.1.3. Privredni subjekt DK FAKTOR d.o.o. Sarajevo**

Privredni subjekt DK FAKTOR d.o.o Sarajevo, Donji Hadžići 138., 71000 Sarajevo, Bosna i Hercegovina, registrovan je dana 18.05.2010. godine na Općinskom sudu u Sarajevu pod brojem 1-1660, u 100% je vlasništvu privrednog subjekta DROGA d.o.o. Sarajevo.

Pretežna registrovana djelatnost privrednog subjekta DK FAKTOR d.o.o Sarajevo je trgovina na malo pretežno prehrambenih proizvoda, pića i duhanskih proizvoda.

### **2.1.4. Privredni subjekt DK TRADE d.o.o. Sarajevo**

Privredni subjekt DK TRADE d.o.o. Sarajevo, Donji Hadžići 138., 71000 Sarajevo, Bosna i Hercegovina, registrovan je dana 02.02.2006. godine na Općinskom sudu u Sarajevu pod brojem 65-01-0342-09 (stari broj: 1-25475), u 100% je vlasništvu privrednog subjekta GRAND PROM a.d. Beograd, 11000 Beograd, Republika Srbija, a isti je u vlasništvu privrednog subjekta DROGA KOLINSKA.

Pretežna registrovana djelatnost privrednog subjekta DK TRADE d.o.o Sarajevo je trgovina na veliko i malo robom široke potrošnje.

### **2.1.5. Privredni subjekt KOFIKOM PRODUKT d.o.o. Glavičice**

Privredni subjekt KOFIKOM PRODUKT d.o.o Glavičice, Glavičice bb, 76300 Bijeljina, Bosna i Hercegovina, registrovan je dana 22.01.2004. godine na Osnovnom sudu u Bijeljini pod brojem

1-5680, u 100% je vlasništvu privrednog subjekta GRAND PROM a.d. Beograd, Republika Srbija, a isti je u vlasništvu DROGA KOLINSKA d.d. Ljubljana

Pretežna registrovana djelatnost privrednog subjekta KOFIKOM PRODUKT d.o.o Glavičice je trgovina na veliko kafom, čajevima i začinima.

#### **2.1.6. Privredni subjekt KOFIKOM d.o.o. Sarajevo**

Privredni subjekt KOFIKOM d.o.o Sarajevo, Donji Hadžići 138., 71000 Sarajevo, Bosna i Hercegovina, registrovan je dana 16.09.2003. godine godine na Općinskom sudu u Sarajevu sa brojem 1-24323, u 100% vlasništvu je privrednog subjekta DK TRADE d.o.o. Sarajevo.

Pretežna registrovana djelatnost privrednog subjekta KOFIKOM d.o.o Sarajevo je trgovina na veliko kafom, čajevima i začinima.

#### **2.1.7. Privredni subjekt KOLEKS d.o.o. Sarajevo**

Privredni subjekt KOLEKS d.o.o. Sarajevo, Marka Marulića bb, 71000 Sarajevo, Bosna i Hercegovina, registrovan je dana 19.07.1991. godine na Općinskom sudu u Sarajevu pod brojem 1-6542, u 100% je vlasništvu privrednog subjekta KOLINSKA Prehrambena industrija p.o. Ljubljana.

Pravni sljednik spajanja privrednih subjekata KOLINSKA Prehrambena industrija p.o. Ljubljana i Droga Portorož Izola je privredni subjekt DROGA KOLINSKA d.d. Ljubljana.

Privredni subjekt KOLEKS d.o.o. Sarajevo je u postupku likvidacije.

### **3. Pravni okvir ocjene koncentracije**

Konkurencijsko vijeće je u provođenju postupka ocjene predmetne koncentracije primijenilo odredbe Zakona, Odluke o načinu podnošenja prijave i kriterijumima za ocjenu koncentracije privrednih subjekata i Odluke o utvrđivanju relevantnog tržišta («Službeni glasnik BiH», br. 18/06 i 34/10 ).

### **4. Pravni osnov i oblik koncentracije**

Prema Prijavi pravni osnov koncentracije predstavlja Ugovor o kupoprodaji dionica (u daljem tekstu: Ugovor), zaključen između privrednog subjekta ISTRABENZ holdinška družba d.d., kao Prodavatelja s jedne strane, privrednog subjekta Atlantic Naložbe kao Kupca s druge strane i privrednog subjekta ATLANTIC GRUPA d.d., kao jamca, dana 30.06.2010. godine u Ljubljani.

Prema Ugovor o kupoprodaji dionica privredni subjekt Atlantic Naložbe kupuje (..)\*% osnovnog kapitala što predstavlja (..)\* redovnih dionica privrednog subjekta DROGA KOLINSKA.

Prema predmetnom Ugovoru Prodavatelj, odnosno privredni subjekt ISTRABENZ holdinška družba je izvorno imao (..)\* redovnih dionica na ime koje su činile (..)\*% izdanih dionica privrednog subjekta DROGA KOLINSKA. Na dan zaključivanja predmetnog Ugovora sklopio je uslovne ugovore o kupnji i prodaji dionica društva DROGA KOLINSKA kojim će do dana završetka transakcije steći od privrednog subjekta NCA Investment Group d.o.o. (..)\* redovnih dionica na ime koje čine (..)\*% izdanih dionica privrednog subjekta DROGA KOLINSKA, privrednog subjekta Probanka d.d. (..)\* redovnih dionica na ime koje čini (..)\*% i privrednog subjekta Faktor banka d.d. (..)\* redovnih dionica na ime koje čine (..)\*% izdanih dionica privrednog subjekta DROGA KOLINSKA.

Ugovor o kupoprodaji dionica privrednog subjekta DROGA KOLINSKA predstavlja okvirni ugovor kojim se preciziraju osnovne smjernice vezane uz prijenos dionica, dok će do stvarnog prijenosa dionica s Prodavatelja na Stjecatelja doći po ispunjenju ili odricanju od gore navedenih preduslova na/nakon dana dovršetka transakcije.

Konkurencijsko vijeće je prihvatilo Ugovor kao pravni osnov predmetne koncentracije, u smislu člana 16. stav (1) Zakona, a u vezi s članom 30. stav (1) tačka a) Zakona i članom 9. tačka f) alineja 3. Odluke o načinu podnošenja prijave i kriterija za ocjenu koncentracija privrednih subjekata.

Pravni oblik koncentracije je sticanje kontrole ili preovladavajućeg utjecaja jednog, odnosno više privrednih subjekata nad drugim kupovinom većine dionica u smislu člana 12. stav (1) tačka b) pod 1. Zakona u privrednom subjektu DROGA KOLINSKA od strane privrednog subjekta Atlantic Naložbe.

## 5. Obaveza prijave koncentracije

Obaveza prijave koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi svih učesnika koncentracije ostvareni prodajom roba i/ili usluga na svjetskom tržištu iznose preko 100.000.000,00 KM, po završnom računu u godini koja je prethodila koncentraciji i da ukupan godišnji prihod svakog od najmanje dva privredna subjekata učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji ili je njihovo zajedničko učešće na relevantnom tržištu veće od 40%.

Ukupni godišnji prihodi privrednih subjekata učesnika koncentracije (i njihovih povezanih privrednih subjekata), na dan 31. decembar 2009. godine:

Tabela 1.

	Atlantic Grupa d.d.		DROGA KOLINSKA Group		DROGA KOLINSKA d.d.	
	EUR	KM	EUR	KM	EUR	KM
<b>Svijet</b>	(..)*	(..)*	(..)*	(..)*	(..)*	(..)*
<b>BiH</b>	(..)*	(..)*	(..)*	(..)*	(..)*	(..)*

Izvor: Podaci iz Prijave

Konkurencijsko vijeće je utvrdilo da su privredni subjekti učesnici koncentracije u 2009. godini su ostvarili ukupne prihode, u skladu sa članom 14. stav (1) Zakona, te su obavezni prijaviti koncentraciju.

Godišnji prihodi učesnika koncentracije (Tabela 1.) predstavljaju ukupne prihode (bez poreza na dodanu vrijednost i drugih poreza koji direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterija za ocjenu koncentracija privrednih subjekata.

## 6. Relevantno tržište

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda (usluga) koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Na osnovu registriranih djelatnosti privredni subjekt DROGA KOLINSKA i privredni subjekt Atlantic Grupa prisutni su na tržištu bezalkoholnih napitaka u Bosni i Hercegovini i to preko svojih proizvoda /robnih marki – gaziranog pića Cockta, mineralne vode Donat i vitaminskog napitka Cedevita.

Na osnovu navedenoga relevantno tržište proizvoda namjeravane koncentracije je tržište prodaje bezalkoholnih napitaka.

Relevantnim tržištem u geografskom smislu za prodaju bezalkoholnih pića smatra se tržište Bosne i Hercegovine s obzirom da privredni subjekt ATACO d.o.o. Mostar distribuirao proizvode privrednog subjekta Atlantic Grupa na tržištu Bosne i Hercegovine preko distributivne mreže sa pet centara i to u: Sarajevu, Mostaru, Širokom Brijegu, Tuzli, Banja Luci i Laktašima.

Na osnovu navedenog relevantno tržište predmetne koncentracije je tržište prodaje bezalkoholnih napitaka na teritoriji Bosne i Hercegovine.

## 7. Analiza tržišta bezalkoholnih napitaka

U analizi relevantnih tržišta učesnika koncentracije i njihovih glavnih konkurenata, kao i procjenama tržišnih učešća korišteni su kao relevantni podaci dostavljeni od strane Podnosioca prijave.

Pregled tržišnih udjela učesnika koncentracije, odnosno njihovih povezanih društava i glavnih konkurenata na tržištu bezalkoholnih napitaka na teritoriji Bosne i Hercegovine u 2009. godini:

Tabela 2.

R.b.	Privredni subjekt	Tržišni udio (%)
1.	Agrokor, Zagreb	21,7
2.	Coca-Cola, Sarajevo	21,4
3.	Vitinka, Kozluk	7,2
4.	Pivovarna Laško, Laško	6,4
5.	Sarajevska Pivara, Sarajevo	2,9
<b>6.</b>	<b>Atlantic Grupa, Zagreb</b>	<b>2,8</b>
7.	Vino Župa, Aleksandrovac	2,6
8.	Nectar, Bačka Palanka	2,4
9.	Kreis Industriehandel, Basel	2,4
10.	Bony, Tuzla	2,2
<b>11.</b>	<b>DROGA KOLINSKA, Ljubljana</b>	<b>1,5</b>
12.	Ostali	26,4
	<b>UKUPNO</b>	<b>100,0</b>
	<b>UKUPNO (6+11)</b>	<b>4,3</b>

Izvor: Podaci iz Prijave



Iz podataka (Tabela 2.) proizilazi da je ukupan tržišni udio učesnika koncentracije na tržištu bezalkoholnih napitaka u Bosni i Hercegovini u 2009. godini iznosio 4,3%, odnosno privredni subjekt Atlantic Grupa ima 2,8% udjela (vitaminski napitak Cedevita), a privredni subjekt DROGA KOLINSKA ima 1,5% tržišnog udjela (od toga gazirano piće Cockta ima 1,3%, a mineralna voda Donat 0,2%).

## **8. Ocjena predmetne koncentracije**

Konkurencijsko vijeće analizom relevantnih podataka, u smislu člana 17. Zakona, ocjenilo je da provođenjem namjeravane koncentracije neće doći do značajnijeg povećanja tržišnog udjela (prema analizi podataka na relevantnom tržištu (Tabele 2.), odnosno stvaranja ili jačanja dominantne pozicije učesnika koncentracije.

Konkurencijsko vijeće je prilikom donošenja konačne odluke uzelo u obzir da se privredni subjekt DROGA KOLINSKA i privredni subjekt Atlantic Grupa nemaju značajnih preklapanja u poslovanju, ali postoje značajne mogućnosti međusobnog nadopunjavanja – u proizvodnje i prodaje hrane i pića, kao i u nastupu na pojedinim tržištima pri čemu je izvjesno da će doći do niza pogodnosti za potrošače u Bosni i Hercegovini, prvenstveno vezano za proširivanje asortimana proizvoda, povećanje kvaliteta i sniženja cijena proizvoda.

Konkurencijsko vijeće u smislu člana 18. stav (2) tačka a) Zakona donijelo odluku kao u dispozitivu ovog Rješenja.

## **9. Administrativna taksa**

Podnosilac prijave na ovo Rješenje, u skladu sa članom 2. tarifni broj 107. stav (1) tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 2.500,00 KM, u korist Budžeta institucija Bosne i Hercegovine.

## **10. Pouka o pravnom lijeku**

Protiv ovog Rješenja nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

**Predsjednik**

**dr. Stjepo Pranjić**